

四庫全書

史部

欽定四庫全書

資治通鑑外紀卷二

宋 劉恕 編

夏商紀

夏

起戊戌終己酉十七君一十四世通昇汲四百三十二年

夏后氏禹元年

戊戌

都安邑

或云平陽亦云晉陽及韓

尚黑其社用松

牲用玄以黑為徽號朝燕服收冠而黑衣十寸為尺封

丹朱於唐商均於虞皆為諸侯作樂曰大夏命臯陶為

夏籥九成以昭其功夏大也言能大堯舜之德以五音
聽治懸鐘鼓磬鐸鞀待四方之士為銘於箕虞曰教寡
人以道者擊鼓諭以義者擊鐘告以事者振鐸語以憂
者擊磬有獄訟者搖鞀一饋而十起一沐三捉髮以勞
天下之民出見罪人下車問而泣之左右曰罪人不順
道君王為何痛之禹曰堯舜之人皆以堯舜之心為心
寡人為君百姓各自以其心為心是以痛之初舜分天
下為十二州禹復為九州收天下美銅鑄為九鼎以象

九州昔黃帝作車少皞加牛奚仲加馬禹命奚仲為車
正建旗旂旒以別尊卑等級古有醴酪禹時儀狄作酒
禹飲而甘之遂疏儀狄絕旨酒曰後世必有以酒亡國
者禹任臯陶益以國政臯陶卒封其後於英六或在許
契后稷伯夷皆有功興於虞夏之際益垂蔓龍其後不
知所封是時天雨金三日亦嘗雨稻禹娶塗山氏女生
子啟南巡守會諸侯於塗山承唐虞之盛執玉帛者萬
國濟江黃龍負舟舟中人懼禹仰天而歎曰吾受命於

天竭力而勞萬民生寄也死歸也余何憂於龍焉視龍猶螻蛄顏色不變龍俛耳低尾而逝禹致羣臣於會稽防風氏後至禹戮之防風汪芒氏之君漆姓守封嶠之

山禹崩

謚法淵源流通曰禹馬融曰禹湯不在謚法蓋謚法諸本不同或後人所加也

葬會稽

之山陰

在位九年年百歲案書稱堯舜曰帝夏殷曰王詩商頌曰至王武王學者言夏殷周稱王而詩

書易春秋未嘗言三王惟易泰歸妹卦曰帝乙歸妹書酒誥多士多方曰自成湯至于帝乙故司馬遷夏殷之君皆曰帝曲禮曰告喪曰天王登假措之廟立之主曰帝黑周曰夏殷之君生稱王死稱廟主皆以帝號配之帝王世紀夏殷曰帝曲禮秦漢後書譙周皇甫謐之說出於史記俱不足為據

夏后氏禘黃帝而祖顓頊郊鯀而宗禹

劉恕曰大江之南前代要服舜禹南巡崩不返葬禹
非不尊而敬舜也啟非不孝於其父也時享在乎廟
貌魂氣則無所不之也秦漢以下崇尚墓祭違經棄
禮遠事尸柩難以語乎理矣

啟

元年丁未皇甫謐曰甲辰

筮享神於大陵之上是為鈞臺之享又

筮於晉之墟作瑱臺於水之陽有扈氏不服啟伐之

世本

曰有扈夏同姓或云啟之庶兄以免舜傳賢禹獨與子故伐啟淮南子曰有扈氏為義而亡

啟崩

在位

九年皇甫
謐曰十年子太康立

太康

元年丙辰

失德四夷背叛畋于有洛之表十旬弗反有

窮后羿因民弗忍距于河羿先祖世為射官帝賜之弓

矢使司射夏哀自鉏遷于窮石

許慎曰羿帝營射官也淮南子曰堯時十日並

出堯命羿仰射十日中其九日九鳥皆死墮其翼羽又曰羿請不死之藥於西王母其妻姮娥竊之奔月宮為月精又曰羿除天下之害死而為宗布孟子曰逢蒙學射於羿盡羿之道思天下惟羿為愈已於是殺羿楚辭天問曰羿焉彈日烏焉解羽邱藏易曰羿彈十日說文曰彈射也博物志曰羿與鑿齒戰于鳴華之野羿持弓鑿齒持矛羿殺之或曰河伯溺殺人羿射其左目風伯壞人屋室羿射中其膝據此諸說帝營堯時各有羿夏

時又有羿則羿是善射之號非人名字不知此羿其名為何

太康失國而崩

在位二十年

孔安國曰太康不得入國羿遂廢之羿立其弟仲康

仲康

元年乙酉

微弱政出於羿崩

在位十三年

子相立

相

一作相安元年戊戌

征畎夷黃夷

竹書紀年曰二年征黃夷

其後干夷來賓

紀年曰七年

東夷有九種曰畎夷干夷方夷黃夷白夷赤夷

玄夷風夷陽夷相為羿所逐失國居商丘依夏同姓諸

侯斟灌斟鄩

在位二十八年呂氏春秋曰夏后相與有扈戰於甘澤而不勝六卿請復之相曰不

可吾地不淺吾民不寡戰而不勝是吾德薄而教不善也於是乎處不重席食不重味琴瑟不張鐘鼓不修子

女不飾親親長長尊賢使能期年而有庖氏服書稱啟
與有庖戰于甘之野而不言勝敗帝相之時政出於羿
已數十年既能修德以服有
庖豈不能服羿乎此說近誣

有窮后羿因夏民以代夏政

元年丙寅

樂正后夔之子伯封

實有承心貪恠無饜忿類無期謂之封豕羿滅之夔是
以不祀羿恃其善射不修民事而淫于原獸棄武羅伯
因熊髡龍圉而用寒浞寒浞伯明氏之讒子弟也伯明
后寒棄之夷羿收之信而使之以為己相浞行媚于內
施賂于外愚弄其民而虞羿于田樹之詐慝外內咸服

羿猶不悛將歸自田家衆殺而亨之以食其子其子不

忍食死于窮門浞自立

羿在位八年

寒浞

元年甲戌

因羿室不改有窮氏之號生澆及豷澆長浞

使用師殺斟灌代斟鄩氏滅夏后相后緡方娠逃出自

竇歸于有仍生少康浞處澆于過處豷于戈少康既長

為仍牧正患澆能戒之澆使椒求之逃奔有虞為庖正

虞君思妻之二姚而邑諸綸有田一成有衆一旅能布

其德而兆其謀以收夏衆撫其官職浞恃其讒慝詐偽

而不德于民夏遺臣靡自有鬲氏收二國之燼滅浞而

立少康

浞在位三十二年

使女艾諜澆滅澆于過使子季杼殪

滅豷于戈有窮遂亡

寒浞殺羿囚羿室而生澆澆長大能用師滅后相相死之後少康始

生及滅浞少康子杼又長已堪誘殺豷計太康失邦及少康紹國向百年夏亂甚矣而夏本紀不載最為疏略

少康滅浞還舊都

元年丙午

復禹之績祀夏配天不失舊物

夏道復興方夷來賓崩

在位二十一年

子杼立

杼

一作子元年丁卯在位十七年

崩子槐立杼能帥禹者也夏后氏報

焉

槐帝王世紀作芬或作祖 九夷來御竹書紀年 崩在位二十

六年 子芒立

芒元年庚戌在位十八年 崩子泄立

泄帝王世紀作世或 吠夷等六夷服從始加爵命崩在位

十六年紀年曰帝泄二十一年加 子不降立

不降一作江成元年甲申在位五十九年 崩弟高立

高帝王世紀作喬元年癸未在位二十一年 崩子廩立

廩帝王世紀作廣或作廙元年甲辰在位二十年 崩不降子孔甲立

孔甲

元年甲子

淫亂好鬼神德衰諸侯多叛

周語曰孔甲亂夏四世而隕

天降乘龍河漢各二有雌雄孔甲不能食而未獲豢龍

氏陶唐氏既衰其后有劉累學擾龍于豢龍氏事孔甲

能飲食之夏后嘉之賜后曰御龍以更丕韋之後龍一

雌死潛醢以食夏后夏后饗之既而使求之懼而遷于

魯縣孔甲崩

在位三十一年沒冢紀年曰脣甲即位居西河十日並出其年脣甲陟

立皋

元年乙未
在位十一年

崩子發立

發

一作敬
元年丙午

諸夷賓于王門獻其樂舞

紀年曰
元年

崩

在位
十三

年帝王本紀
云十一年

子履癸立是為桀

桀

元年
己未

自孔甲以來諸侯叛夏桀為無道暴戾頑貪虐

政淫荒武傷百姓天下顛恐而患之桀有力能申鐵鉤

索伐有施有施人以妹喜女焉妹喜有寵所言皆從為

傾宮瑤臺殫百姓之財肉山脯林酒池可以運舫糟隄

可以望十里一鼓而牛飲者三千人妹喜笑以為樂初

商契卒子昭明立居於砥石遷于商卒子相土立相土

作乘馬卒子昌若立卒子曹圉立卒子根國立卒子冥

立為司空勤其官而水死子振立卒子微立卒子報丁

立卒子報乙立卒子報丙立卒子主壬立卒子主癸立

卒子天乙立

周曰商人尊湯曰天乙天即帝也

是為成湯名履

母曰扶都

長

九尺自契至湯八遷

商頌曰帝立子生商是契居商也鄭玄曰在太華之陽皇甫謐曰今

上洛商世本曰昭明居砥石在傳曰陶唐氏之火正閼伯居商丘相土因之杜預曰梁國睢陽也及湯居亳四

遷事見經傳而不見餘四遷

湯始居亳從先王居

鄭玄曰亳今河南偃師縣有湯亭漢

書音義曰濟陰亳縣有湯冢已氏有伊尹冢杜預曰梁國蒙縣北有亳城城中有湯冢其西又有伊尹冢皇甫

謐曰孟子稱湯居亳與葛為鄰葛伯不祀湯使亳眾為之耕葛即今梁國寧陵之葛鄉也若湯居偃師去寧陵

五百餘里豈當使民為之耕乎亳今梁國穀熟縣也蒙
為北亳即景亳湯受命之地穀熟為南亳即湯都也惟
師為西亳即盤庚所徙三地皆名為亳尚書
立政所謂三亳也古書亡滅未知孰得其實伊尹耕於

有莘之野

孫武及呂氏春秋伊尹名摯

湯使人以幣聘之三反然後

肯從見湯言素王及九主之事或曰湯聞伊尹賢使人
請之有莘氏不可伊尹亦欲歸湯湯婚於有莘氏乃以
伊尹為媵送女湯得伊尹祓之於廟照之以燭爨以犧
稷明日設朝而見之請湯以至味湯曰可得而為之乎
對曰君之國小不足以具之為天子然後可也因說湯

以伐夏救民湯進於桀桀與之飲酒沈湎羣臣醉者持
不醉者不醉者持醉者相和而歌曰江水沛兮舟楫敗
兮我王廢兮盍歸乎盍歸乎薄亦大矣伊尹退而閑居
深取樂音更曰樂兮樂兮四牡驕兮六轡沃兮覺兮較
兮吾大命兮去不善而從善何不樂兮伊尹入告于
王曰大命之至亡無日矣王闢然抃啞然笑曰子又詆
言矣天之有日猶吾之有民日有亡乎日亡吾乃亡矣
伊尹既醜有夏復歸于亳報湯曰桀迷惑妹喜不撫其

衆上下相疾民心積怨皆曰上天弗恤夏命其卒湯復使伊尹往視夏聞妹喜言曰天子夢兩日相與鬪東方日不勝伊尹以告湯任伊尹以國政桀臣于辛恃威凌轢諸侯以及兆民左師曹觸龍諂諛不正賢良鬱怨諸侯不賓闕龍逢引黃圖進諫曰古之人君躬行禮義愛民節財故國安而身壽今君用財若無窮殺人若恐弗勝天殃必降而誅必至君其革之立而不去桀於是焚黃圖殺龍逢衆庶莫敢直言大臣同患桀愈自賢國人

大崩湯使人哭之乃囚於夏臺已而得釋桀為仍之會
有緡叛而攻克之是時主闇晦而不明道瀾漫而不修
至德滅而不揚帝道揜而不興舉事戾蒼天發號逆四
時春秋縮其和天地除其德人君處位而不安大夫隱
道而不言羣臣準上意而懷當邪人參耦比周而陰謀
居君臣父子之間競載驕主而像其意亂人以成其事
君臣乖而不親骨肉疏而不附植社槁而鑄裂容臺振
而掩覆犬羣卑而入淵豕銜蓐而席澳美人挈首墨面

而不容曼聲吞炭內閉而不歌喪不盡其哀獵不聽其
樂西老折勝黃神嘯吟飛鳥鍛翼走獸廢脚山無峻幹
澤無注水狐狸首穴馬牛放失田無立禾路無莎蘋金
積折廉壁襲無理磬龜無腹蓍策日施桀見錄書云亡
夏者桀大誅豪傑在位以來回祿信於聆隧百川沸伊
洛竭泰山走山石三日泣宮中女子化為龍俄而復為
婦人甚麗而食人桀命為蛟妾告吉凶鶴鳴於國十日
十夕不止天雨血雨木冰六月霜降為夜宮於深谷之

中男女雜處桀三旬不出聽政一夕大風揚沙填宮合
之鬼哭於國地出黃霧堯山崩廐山亡兩日鬪五星隕
錯行枉矢流大水地震雷霆殺人瞿山地裂水出十月
鑿山穿陵通之於河諫者曰洩天氣發地藏天子失道
後必有敗桀殺之暮年瞿山崩為大澤水深九尺山覆
於谷下反在上耆老諫而被殺大費子之玄孫費昌見
二日出東者焰西者沈問於馮夷夷曰西唯夏東唯商
桀將亡費昌聞而歸湯湯出見張網四面祝曰從天墜

者地出者四方來者皆離吾網湯曰嘻盡之矣非桀孰
能為此乃解其三面置其一面更教之祝曰欲左者左
欲右者右欲高者高欲下者下不用命者乃入吾網漢
南諸侯聞之曰湯德及禽獸歸之者四十國湯欲伐桀
伊尹請乏貢職以觀夏動桀怒起九夷之師伊尹曰未
可彼尚能起九夷之師是罪在我也湯乃謝請復入貢
職太史終古出其圖法執而位之桀迷惑暴亂愈甚終
古奔商湯告諸侯曰夏王無道暴虐百姓窮其父兄恥

其功臣輕其賢良棄義聽讒衆庶咸怨守法之臣自歸

于商明年

商湯元年庚戌

湯伐滅桀

在位五十一年謚法賊人多殺曰桀三統歷曰夏十

七王四百三十二年及冢紀年曰四百七十一
年六韜曰禹三十一世至桀

禹之後分封以

國為姓有夏后氏有扈氏有男氏斟尋氏彤城氏褒氏

費氏杞氏繒氏辛氏冥氏斟氏戈氏

商

起庚戌終戊寅三十君
十七世六百二十九年

成湯元年

湯在諸侯位十七年即天子位元年庚戌顧
彪曰殷家猶質踰月即改元年以明世異不

待正月為首葉湯以干戈取天下與堯舜殊異
即位易代必不俟踰年改元年亦不俟踰月也又乏職

貢夏桀起九夷之師不至伊尹曰可矣昔高辛火正
祝融氏名黎其後八姓已姓昆吾蘓顧溫也董姓豸
夷豸龍也彭姓彭祖豕韋諸稽也禿姓舟人也妘姓
鄔鄔路偏陽也曹姓鄒莒也芊姓也斟姓也惟斟姓無
後或云帝嚳之祝融吳回生陸終陸終生子六人坼剖
而產其長曰昆吾二曰參胡三曰彭祖四曰會人五曰
安六曰季連夏末昆吾氏伯而為亂湯有景亳之命帥
兵自把鉞伐韋顧及昆吾以費昌為御而伐桀令師從

東方出於國西以進桀戰敗於有娥之虛奔鳴條謂人
曰吾悔不殺湯於夏臺使至此放于南巢而死諸侯大
會湯再拜而從諸侯之位曰天子惟有道者可以處之
可以治之三讓諸侯皆莫敢當然後湯踐天子位反桀
之事遂其賢良以寬治民而除其邪徇民所喜遠近歸
之順天革命改正朔以建丑為正月變服殊號一文一
質示不相沿易民視聽若天時大變尚白其社用石葵
樹松牲用白以白為徽號朝燕服皐冠而縞衣十二寸

為尺初置二相以伊尹仲虺為之湯謂伊尹曰諸侯來
獻遠方之物不利吾欲因其地勢所有易得而不貴伊
尹受命為四方獻令自我桀大旱七年洛坼川竭煎沙
爛石太史占之曰當以人禱湯曰吾所為請雨者民也
若必以人禱吾請自當遂齋戒剪髮斷爪素車白馬身
嬰白茅以身為犧牲禱於桑林之野持三足鼎祝山川
曰無以余一人之不敏使上帝鬼神傷民之命以六事
自責曰政不節與民失職與宮室宗與婦謁威與苞苴

行與譏夫倡與何不雨之極也言未已大雨方數千里人無食者湯以莊山之金鑄幣救之命伊尹作樂曰大獲修九招六列以見其善護言以寬政治民除其邪虐覆護下民各得其所聞宮聲使人溫良而寬大聞商聲使人方廉而好義聞角聲使人惻隱而仁愛聞徵聲使人樂養而好施聞羽聲使人恭敬而好禮湯作厯弗復以正月朔旦為節更以十一月冬至為元首至周從之湯令未命之為士者車不得朱軒及有飛輪不得乘飾

車駢馬衣文繡命然後得以順有德初作囿取禽獸以

奉宗廟簡士卒習射御以戒不虞海外肅慎北發渠搜

氐羌來服湯娶有莘氏女生子太丁外丙仲壬太丁為

太子蚤卒湯崩

在位十三年年百歲謚法雲行雨施曰湯除虐去殘曰湯

葬亳北商

人禘舜而祖契郊冥而宗湯上甲微能帥契者也故報

焉

皇甫謐曰微字上甲

外丙

元年癸亥在位二年崩

仲壬

一作中壬元年乙丑在位四年崩

伊尹立成湯適長孫太丁之子

太甲

太甲

元年己巳高書伊訓成湯既沒太甲元年孔傳云湯沒而太甲立孟軻司馬遷云湯崩外丙仲壬皆

即位乃及太甲與書不同劉歆班固皇甫謐皆違經從軻遺未詳其旨 既立不明顛覆湯

之典刑伊尹放諸桐而攝政當國以朝諸侯王徂桐宮

悔過自責反善三祀十有二月朔伊尹以冕服奉鬯王

歸于亳而授之政作太甲三篇以戒之

汲冢紀年曰殷仲壬即位居亳

其卿士伊尹仲壬崩伊尹放太甲于桐乃自立也伊尹即位於太甲七年太甲潛出自桐殺伊尹乃立其子伊陟伊奮命復其父之田宅而中分之案書序伊尹奉太甲歸于亳其文甚明左傳伊尹放太甲而相之卒無怨

色孟子云有伊尹之志則可無伊尹之志則篡伊尹不肯自立太甲不殺伊尹也必矣若伊尹故君自立太甲起而殺之則伊尹死有餘罪義當汙宮滅族太甲何所感德而復立其子還其田宅乎紀年之書晉太康元年

汎即民發魏安釐王冢得之蓋當時流俗有此妄說其書因記之杜預曰紀年與尚書敘說太甲事勢異不知

老史之伏生或致昏迷將此古書亦當時雜記未足以取審也太甲修德諸侯歸之在

位三十三年

出無逸

崩亦稱祖甲

孔安國曰殷家祖有功故稱祖殷本紀曰褒太

甲稱
太宗
子沃丁立

沃丁

元年壬寅

伊尹卒葬亳

皇甫謐曰沃丁八年伊尹卒年百餘歲大霧三日沃丁葬之以

天子禮祀以太牢親臨喪以報大德焉

沃丁崩

在位二十九年

弟太庚立

太庚

元年辛未在位二十五年

崩子小甲立

小甲

元年丙申在位三十六年

崩弟雍已立

雍已

元年壬申

商道衰諸侯或不至崩

在位十三年

弟太戊立

中宗太戊

元年乙酉

亳有祥桑穀共生于朝七日大拱太戊

懼問於其相伊陟伊陟曰臣聞妖不勝德君之政其有

闕與君其修德太戊退而占之曰野木生於朝意者國

亡乎太戊修先王之政明養老之禮早朝晏退問疾吊

喪三日而祥桑枯死三年遠方重譯而至七十六國

尚書

大傳曰成湯之後武丁之先王道虧桑穀俱生于朝七日而大拱武丁問諸祖已祖己曰桑穀穀草生于朝且噫亡乎武丁恐駭側身修行思昔先王之道興滅國繼絕世舉逸民明養老之道三年之後諸侯以譚來朝者六國劉向曰殷道既衰高宗承祚而起盡諒陰之哀天下應之既獲顯榮急于政事國將危亡故桑穀之異見桑猶喪也穀猶生也穀生之象失而在下也葉伏生劉向以武丁有桑穀面向著說苑以太戊武丁時俱有桑穀呂氏春秋湯時穀生于庭比旦而大拱韓詩外傳三日而大拱皆與書序不同

太戊贊伊陟于廟言弗臣巫咸治王家有成及用臣危
商復興諸侯歸之尊其德稱中宗在位七十五年崩子
仲丁立

仲丁

元年庚子

自亳遷都囂蓋夷為寇仲丁征之崩

在位十一年

弟外壬立

外壬

元年辛亥在位十五年

崩弟河亶甲立

河亶甲

元年丙寅

遷都相商復衰崩

在位九年

子祖乙立

祖乙

元年乙亥

遷都耿為水所圯遷於邢或云奄巫賢任職

商復興崩

在位十九年

子祖辛立

祖辛

元年甲午在位十六年

崩弟沃甲立

沃甲

一作開甲元年戊戌在位二十年

崩祖辛子祖丁立

祖丁

元年庚午在位三十二年

崩沃甲子南庚立

南庚

元年壬寅在位二十九年

崩祖丁子陽甲立

陽甲

元年辛未

自仲丁以來廢適而立諸弟子弟子爭立比

九世亂商哀諸侯莫朝崩

在位七年帝王本紀云十七年

弟盤庚立

盤庚

元年戊寅

將涉河南遷都自湯至盤庚五遷無定處民

咨胥怨不欲徙盤庚乃告諭諸侯大臣曰昔高后成湯

與爾之先祖俱定天下法則可修舍而弗勉何以成德

遂渡河南復居湯之故居治亳殷

亳是大名殷是亳內之別名鄭玄曰治于

毫之殷地汲冢古文云盤庚自奄遷于殷殷在鄴南三十里與書涉河不同史記祖乙遷于邢亦不知出何書鄭玄曰祖乙去相居耿為水所圯毀修德以禦之不復徙也又曰其後奢侈踰禮土地迫近山川嘗地馬至陽甲立盤庚為臣乃謀徙居湯舊都又序注云民居耿久奢淫成俗故不樂徙王肅曰自祖乙五世至盤庚元兄陽甲宮室奢侈下民邑居墊隘水泉澗鹵不可以行政化故徙都于殷皇甫謐曰耿迫近山川自祖辛以來民皆奢侈故盤庚遷殷書盤庚下篇云今我民用蕩析離居孔傳云水泉澗鹵孔穎達云地勢降下久居水變水泉澗鹵不可行化故欲遷都不必為奢侈也此以君名名篇必是為君時事而鄭玄以上篇是盤庚為臣時事未知何所考據

自此改號曰殷

湯以來言殷者史臣追書也

盤庚行湯之政

遵湯之德殷道復興諸侯來朝崩

在位二十八年

弟小辛

小辛

元年
丙午

殷復哀崩

在位二
十一年

弟小乙立

小乙

元年
丁卯
在位二十一年

崩子武丁立

高宗武丁

元年
戊子

為太子時盡知人民之所好惡能聳其

德至于神明親喪居廬三年未嘗及國事默以思道而

天下無倍叛之心既免喪思復興殷未得其佐不言政

事決定於冢宰卿士惠之曰王言以出令若不言無所

稟令武丁作書曰以余正四方余恐德之不類茲故不

言夢得良弼曰說視羣臣百吏皆非也迺使百工以象

夢於野旁求四方之賢是時說為胥靡築於傅巖武丁得而與之語立以為相總百官使朝夕規諫殷衰而復興禮廢而復起國家大治遂以傅險姓之號曰傳說甫望

謚曰高宗夢天賜賢人胥靡之衣裳之而來口云我徒也姓傅名說天下得我者豈徒也哉武丁寤而推之曰傅者相也說者惟說也天下當有傅我而說民者哉明日以夢視百官百官皆非也乃使百工寓其形象求諸天下果見築者胥靡衣褐帶索執役于虞號之間傅巖之野名說以其得之傅巖謂之傅說樂謚言初夢即云姓傅名說又言得之傅巖謂之傅說其言自不相副謚見書傳會為近世之語非實事也墨子曰傳說居北海之洲園土之上衣褐帶索庸築于傅巖之城

劉恕曰武丁即位之初殷道中衰甘盤遜世朝多具
臣傳說賢而隱于胥靡一旦舉而用之出于微賤衆
必駭怪故託於夢寐旁求天下置諸左右如天所授
羣臣莫之疑懼而傳說之道得行也若不知其才徒
以夢取則與王莽按符命以王興王盛為四將光武
據議用王梁為司空何異哉仲尼刊書而存之可以
見武丁之意矣

武丁開先祖之府取其明法以為君臣上下之節祭成

湯有飛雉升鼎耳而雒武丁懼祖已訓諸王作高宗彤
日高宗之訓祖已曰遠方將有來朝者武丁內反諸已
以思王道三年編髮重譯來朝者六國自是服章多用
翟羽孔子曰吾於高宗彤日見德有報之疾也苟由其
道致其仁故遠方歸德焉劉向以為武丁恐駭謀于忠
賢修德而正事內舉傳說授以國政外伐鬼方三年乃
克以安諸夏感變而懼災眚自消修政行德天下咸驩
殷道復興在位五十九年崩立其廟為高宗子祖庚立

祖庚

元年丁亥在位七年

崩弟祖甲立

祖甲

一作辛甲元年

淫亂殷復哀崩

在位十六年

子廩辛立

鄭立曰祖

甲兄祖庚賢其父武丁欲廢兄立弟祖甲以爲不義逃于人間孔安國曰無逸所稱祖甲湯孫太甲也周語曰

帝甲亂之

七世而隕

廩辛

一作馮辛元年庚戌在位六年

崩弟庚丁立

庚丁

元年丙辰在位六年帝王本紀云二十三年

崩子武乙立

武乙

元年壬戌

徙都河北國中哀敝東夷寢盛分遷淮岱漸

居中土

昔后稷卒子不窋立

母曰姑氏

世后稷及夏之哀

棄稷不務不窳用失其官而自窳于戎狄之間

韋昭曰啟子太

康廢稷之官不復務農不窳失官去夏而遷于邠史記曰康節國于豳鄭玄豳詩譜曰公劉以太康時失其官守窳于此地稱修后稷之業勤恤愛民民咸歸之而國成焉案大雅公劉篇說公劉遷豳事詳悉故鄭以自邠徙豳必從公劉始蓋不窳之時已窳豳地尚往來邠國至公劉而盡以邠民遷卒子鞠立卒子

公劉立公劉雖在戎狄復修后稷之業務耕種行地宜自漆沮渡渭取材用行者有資居者有畜積百姓懷之多徙而保歸焉周道自此而興詩人歌樂其德公劉卒子慶節立卒子皇僕立卒子差弗立卒子毀隃

世本作榆

立

卒子公非立

皇甫謐曰
字辟方

卒子高圉立卒子亞圉立

世本
曰亞

圉雲都皇甫謐
曰雲都亞圉字

卒子公叔祖類立

一本作太公叔類世
本曰亞圉生太公組

紺諸藍鄭玄曰先公組紺以上至后稷
則公叔祖類叔類組紺諸藍是一人也

卒子古公亶父

立復修后稷公劉之業績德行義國人戴之武乙暴虐

犬戎寇邊薰育狄人來攻古公事之以皮幣犬馬珠玉

菽粟財貨不得免焉狄人又欲土地古公曰與之耆老

曰君不為社稷乎古公曰社稷所以為民也不可以所

為亡民也耆老曰君不為宗廟乎古公曰宗廟吾私也

不可以私害民夫有民立君將以利之與人之兄居而
殺其弟與人之父居而殺其子以其所養害所養吾不
忍也民之在我與在彼為吾臣與狄人臣奚以異哉二
三子何患無君杖策而去率其私屬出幽渡漆沮踰梁
山邑于岐山之陽始改國曰周

徐廣曰梁山
南有周原

幽人曰仁

人之君不可失也舉國扶老攜弱從之者二千乘一止
而成三千戶之邑旁國聞其仁亦多歸之古公乃敗戎
狄之俗營築城郭室屋而邑別居之作五官有司民皆

歌樂頌其德古公娶有台氏女曰太姜賢而有色生太

伯仲雍季歷化導三子皆成賢德古公有事諮謀焉季

歷娶摯國任氏之中女曰太任亦賢婦人生昌有聖瑞

在母不憂在傳不勤處師弗煩事父不怒孝友二號

昌弟

號仲比於諸弟古公曰我世當興其在昌乎太伯仲雍

號叔

知古公欲立季歷以傳昌二人乃奔荆蠻以避之太伯

自號句吳荆蠻義之從而歸之者千餘家古公卒

六韜曰太

王壽百二十年季歷立是為公季

王肅曰太伯見王季生文王知天命之有在去而適吳大

王沒而不反或曰古公將卒謂季歷曰我死汝讓兩兄彼即不受汝有義而安矣古公卒季歷之吳召二兄相從而歸羣臣欲立之太伯仲雍以先君命固讓季歷復如荆蠻修古公之遺道篤於行

義諸侯順之公季伐西落鬼戎俘其狄王武乙無道

為偶人謂之天神令人為行與之博天神不勝侮辱之

為革囊盛血仰而射之命曰射天獵於河渭之間暴雷

震死

在位四年竹書紀年曰武乙三十五年周俘狄王與帝王本紀不同

子太丁立

太丁

元年丙寅

周公季伐燕京之戎周師大敗

紀年曰太丁二年

其

後周伐余無之戎克之太丁命公季為牧師

紀年曰太丁四年

又伐克始呼之戎

紀年曰太丁七年

翳徒之戎捷其三大夫太

丁崩

在位三年紀年曰太丁十一年周伐翳徒戎與帝王本紀不同

子乙立

乙

一作辛乙元年已巳

殷益哀周公季宅程以功九命作伯受珪

瓚秬鬯之賜卒

六韜曰王季壽百年

子昌立昌十二而冠

文王十三生伯

邑考左傳曰冠而生子禮也許慎五經異義曰左氏說歲星十二年一周天天道備故人君子十二可以冠

長十尺嗣位遵后稷公劉之業則古公公季之法篤仁

敬老慈少禮賢者日中不暇食以待士太顛闕天散宜

生南宮适鬻子辛甲尹佚之徒皆往歸之昌詢于八虞

賈逵曰八虞周
八士皆在虞官

諮于二號以為卿士度於閔天而謀於

南宮諏於蔡原而訪於辛尹重之以周召畢榮億寧百
神而柔和萬民昔陸終第三子曰彭祖氏其裔孫曰大
彭豕韋為商伯而滅第六子曰季連生附沮附沮生穴
熊其後中微或在中國或在蠻夷弗能紀其世鬻子名
熊即其苗裔也年九十見周昌昌曰老矣鬻子曰捕虎
逐麋臣已老矣使臣坐而策國事臣尚少也辛甲嘗事
紂七十五諫不聽而適周召公與語以為賢告昌昌親

迎之以為公卿召公奭畢公高周同姓或云皆昌庶子
昌即位之八年六月寢疾五日而地動東西南北不出
國郊有司曰地之動為人主也羣臣皆恐請興事動衆
增國城以移之昌曰天之見妖以罰有罪我必有罪天
以罰我請改行其可免乎于是謹其禮秩皮革以交諸
侯飭其辭令幣帛以禮俊士頒其爵列等級田疇以賞
有功無幾疾止 乙之妾子同母三人長曰微子啟次
曰中衍季曰受德受德乃紂也

鄭玄曰乙受少子辛欲
立馬號曰受德傳聲轉

紂作

其母為后而生紂尚少乙及后以啟賢欲立為太子

太史據法爭之曰有妻之子不可立妾之子故紂為後

乙崩

在位三十七年

子辛立

辛天下謂之紂

元年丙午

資辨捷疾聞見甚敏材力過人手

格猛獸知足以拒諫言足以飾非以為天下皆出已之

下始為象箸箕子歎曰彼為象箸必不盛以土簋將為

犀玉之杯玉杯象箸必不羹菽藿衣短褐而舍於茅茨

之下則錦衣九重高臺廣室稱此以求天下不足矣遠

方珍怪之物與馬宮室之漸自此而始故吾畏其卒也

鄭玄王肅曰箕子紂之諸父服虔杜預曰紂之庶兄司馬彪曰箕子名胥餘

紂伐有蘇有蘇

氏以妲己女焉妲己有寵其言是從所好者貴之所憎

者誅之使師延作朝歌北鄙之音北里之舞靡靡之樂

造鹿臺為瓊室玉門其大三里高千尺七年乃成厚賦

稅以實鹿臺之錢盈鉅橋之粟燎焚天下之財罷苦萬

民之力收狗馬奇物充仞宮室以人食獸廣沙丘苑臺

以酒為池縣肉為林使男女僕相逐其間宮中中市為

長夜之飲車行酒騎行炙以繩羈人頭牽詣酒池醉而溺死紂醉而忘其日辰甲子問左右皆不知問於箕子箕子曰為天下主而一國失日天下其危乎一國不知而我獨知之吾其危乎辭以亦醉而不知百姓怨望諸侯有畔者妲己以為罰輕誅薄威不立耳紂乃重刑辟為熨斗以火燒然使人舉輒爛其手不能勝紂怒乃更為銅柱以膏塗之加於炭火之上使有罪者緣之足滑墜火中紂與妲己以為大樂名曰炮烙之刑紂以周

諸侯昌及九侯鄂侯為三公九侯入女于紂其女不喜

淫紂怒殺之而醢九侯鄂侯爭辨之并脯鄂侯

明堂位曰紂脯

鬼侯以享諸侯呂氏春秋曰紂殺梅伯而醢之殺鬼侯而脯之以禮諸侯于廟楚辭曰梅伯菹醢

昌聞

之竊歎崇侯虎以告且譖之曰昌積善累德仁而善謀

太子發勇而不疑中子旦恭儉而知時若與競行則不

堪其殃縱而舍之身必危亡冠雖弊禮加頭履雖鮮位

在足彼將不利于王請及其未成形圖之紂囚昌于羑

里昌為易卦辭乃申憤鬱厄作歌曰殷道溷溷浸濁煩

兮朱紫相合不別分兮迷亂聲色信讒言兮災災之虐
使我愆兮幽閉牢寔由其言兮遽我四國憂勤勤兮太
公望呂尚者東海上人四岳伯夷之後姜姓呂氏夏商
之時申呂或封枝庶子孫或為庶人呂尚避亂隱遼東
三十年行年七十屠牛朝歌賣食棘津遇七十餘主而
不聽人人皆曰狂丈夫周昌將出獵史編卜之曰所獲
非熊非羆非虎非豹兆得伯王之師昌齋三日田於渭
之陽見呂尚坐茅而漁昌勞而問之曰子樂漁邪呂尚

曰君子樂其志小人樂其事吾漁非樂之也昌與語大
說曰自吾先君太公曰當有聖人適周周以興子真是
耶吾太公望子久矣故號曰太公望立為師或曰太公
博聞當事紂紂無道去之游說諸侯無所遇歸周或曰
呂尚處士隱海濱釣於滋泉周昌之囚于羑里其臣散
宜生閔天南宮适患之而招呂尚初三子學于呂尚尚知
其賢酌酒切脯約為朋友尚亦曰嗟乎西伯賢君也而
不能自濟由吾力不足而不能自舉也四子見于羑里

相與求有莘氏美女驪戎之文馬有熊九駟西海之濱
白狐陵陸怪獸江淮大貝因紂之嬖臣費中獻之散宜
生趨而進曰西藩之臣昌之使者敢效其實以備其辜
紂大說曰西伯之忠於寡人如是此一物足以釋西伯
況其多乎昌長子伯邑考質于殷為紂御紂烹之為羹
賜昌曰聖人當不食其子昌得而食之紂曰誰謂昌聖
食其子尚不知昌之囚七年諸侯皆從之囚紂懼而歸
之曰譖昌者崇侯虎也昌獻洛西之地赤壤之田方千

里請除炮烙之刑紂許之賜昌弓矢斧鉞因公季得專

征伐為西伯典治南國江漢汝旁諸侯

皇甫謐曰文王
葬父為西伯

西伯歸乃為王門築靈臺列侍女撞鐘擊鼓待紂之失
紂聞之曰西伯改過易行吾無憂矣西伯治岐耕者九
一仕者世祿闕市譏而不征澤梁無禁罪人不孥為池
沼掘得死人之骨西伯曰葬之吏曰此無主矣西伯曰
有天下者天下之主有一國者一國之主寡人固其主
矣以衣棺更葬之天下聞之曰西伯澤及朽骨況於人

乎西伯問太公曰為天下若何對曰王國富民伯國富
士僅存之國富大夫無道之國富倉府是謂上溢而下
漏西伯曰善對曰宿善不祥是日發倉府以振鰥寡孤
獨周有玉版紂令膠鬲索之西伯不與費中以無道來
求乃與之西伯聞太公曰商王罪殺不辜汝助予憂乎
太公曰天道無殃不可以先唱人道無災不可以先謀
取天下若逐野獸得之皆有分肉若同舟而濟舟敗皆
同其害鵲鳥將擊卑身翕翼猛獸將搏俛耳俯伏聖人將

將動必有愚色吾觀商野草茅勝穀吾觀其羣衆曲勝
直暴虐殘賊敗法亂刑亡國之則也西伯問太公曰人
主動作舉事有禍殃之應鬼神之福乎太公曰人主重
賦斂大宮室作臺觀則人多病溫霜露殺五穀絲麻不
成人主好田獵畢弋不避時禁則歲多大風禾穀不實
人主好破壞名山壅決名川則歲多大水人主好武事
兵革不息則日月薄食太白失行西伯曰誠哉乃與太
公陰謀行善修德以傾商政其事多兵權與奇計故後

世之言兵及陰謀皆宗本太公昔栢翳子大廉玄孫曰
孟戲中衍烏身人言殷太戊卜使之御吉遂妻之其後
世有功佐殷故嬴姓多顯遂為諸侯其曾孫曰中滴在
西戎保西垂生蜚廉善走蜚廉生惡來革有力善毀讒
手裂虎兕父子俱以材力事紂紂用費中為政善諛好
利殷人弗親諸侯益疏多叛歸西伯西伯滋大紂由是
稍失權重為黎之蒐東夷叛而克之虞芮之君爭田久
而不平相謂曰西伯仁人也盍往質焉乃如周決平入

其竟則耕者讓畔行者讓路入其邑男女異路班白不
提挈入其朝士讓為大夫大夫讓為卿二國之君相謂
曰此其君亦能讓天下而不居矣吾所爭周人所恥吾
等小人不可以履君子之庭祇取辱耳遂相讓以其所
爭田為閒田而退天下聞之歸者四十餘國諸侯曰西
伯蓋受命之君自是西伯更稱元年

劉恕曰無逸曰文王受命惟中身厥享國五十年武
成曰我文考文王誕膺天命以撫方夏惟九年大統

未集予小子其承厥志秦誓曰惟十有一年武王伐
殷惟十有三年春大會于孟津洪範曰武王勝殷殺
受立武庚以箕子歸惟十有三祀王訪于箕子尚書
大傳曰天之命文王非嚶嚶然有聲音也文王在位
而天下大服施政而物皆聽命聽則行禁則止動搖
而不逆天之道故曰天乃大命文王文王受命一年
斷虞芮之質二年伐邠三年伐密須四年伐大夷五
年伐耆六年伐崇七年而崩史記亦以斷虞芮之訟

為受命之君明年伐犬戎明年伐密須明年敗耆國
明年伐邠明年伐崇侯虎明年西伯崩雖伐犬戎伐
耆伐邠之年與書傳不次然同云西伯七年崩伏生
司馬遷不見古文尚書鄭玄專信讖候皆以文王受
命七年而崩孔安國治古學見武成篇故秦誓傳曰
周自虞芮質厥成諸侯並附以為受命之年至九年
文王卒劉歆作三統歷考上世帝王以為文王受命
九年而崩賈逵馬融王肅韋昭皆同歆說皇甫謐帝

王世紀云文王即位四十二年歲在鶉火更為受命之元年始稱王矣引周書文傳解曰文王受命九年時惟莫春在鎬召太子發九年猶召太子明七年未崩也五經緯候言受命者謂有黃龍元龜白魚赤雀負圖銜書以命人主易緯稱文王受命改正朔布王號於天下其書皆出西漢之末瓌詭譎怪不本經典故學者惑焉惟鄭玄依而用之大戴禮曰文王十五而生武王禮記文王世子云文王九十七而終武王

九十三而終計文王之崩武王八十三歲踰年改元至九十三適滿十年故知十一十三非武王之年自文王受命而數之也後世疑文王為諸侯而輒改元案史記秦惠王十四年更為元年汲冢紀年魏惠成王三十六年改元稱一年然則諸侯于其國各稱元年已之所稱中年可改秦魏或有因于古也

西伯伐邠問太公吾用兵孰可太公曰密須氏疑于可我先伐之管叔曰其君天下之明君伐之不義太公曰

先王伐逆不伐順伐險不伐易西伯曰善遂侵阮奭共

而伐密須之人自縛其君而歸西伯西伯又伐犬夷

帝主

世紀曰文王受命四年周正月丙子朔昆夷伐周
一日三至周之東周文王閉門修德而不與戰

勝黎

伏生司馬
遷作者

祖伊恐奔告于紂紂曰我生不有命在天是

何能為祖伊反曰紂不可諫矣

劉恕曰世之賤者衆而貴者鮮愚者多而賢者少物

情艱於自知不遇則生怨懟故知者強名曰命以杜

無妄之求中人安于擯棄俟時而不競蓋聖人以此

籠羣愚而息爭端也夫謂之命則有命之者安可生而默定哉桀紂據禹湯之資不善守而亡之民斯為下矣其能不曰命哉

西伯欲伐崇宣言曰崇侯虎蔑侮父兄不敬長老聽獄不哀分財不均百姓力盡不得衣食余將征之乃伐崇令無殺人無壞室無填井無伐樹木無動六畜不如令者死無赦崇人三旬不降退修教而復伐之因壘而降初西伯自岐徙解原

解原在岐山之陽不出百里

至是作豐邑徙都

豐

豐在岐山東南三百餘里豐水之西

分岐邦周召之地為周公旦召公

奭之采地天下三分其二歸周者太公望之謀計居多

散宜生曰殷可伐矣西伯弗許西伯之九年西伯寢疾

五日謂太子曰見善而勿怠時至而勿疑云非而勿

處此三者道之所止也柔而靜恭而敬屈而彊忍而剛

此四者道之所起也太子再拜受之西伯卒

紂之三十年呂氏春

秋曰文王在國四十一年韓嬰曰在位五十一年

年九十七是為文王西伯正

妃太姒莘國之女號曰文母旦夕勤勞以進婦道西伯

治外文母治內有賢妃之助焉太姒生十子長曰伯邑

考次發次管叔鮮次周公旦次蔡叔度次曹叔振鐸次

邱叔武次霍叔處次康叔封季曰聃季載

皇甫謐曰文王生伯邑考

次武王次管叔鮮次蔡叔度次邱叔武次霍叔處次周公旦次曹叔振鐸次康叔封次聃季載其名則同其次

則異

惟發旦賢仁孝異于羣子左右輔西伯故西伯舍伯

邑考而以發為太子又有滕叔繡及毛部雍畢原豐邠

八國皆西伯子也太子發即位是為武王太公望為師

周公旦輔翼用事召公畢公之徒為左右伯夷叔齊孤

竹君之二子也父欲立叔齊父卒叔齊讓伯夷伯夷曰
父命也叔齊亦不肯立俱逃去國人立其中子伯夷叔
齊聞西伯善養老往歸焉及至西伯已卒西伯之十一年
發除喪修父緒業上祭于畢東伐以觀諸侯載西伯木
主于車中以行自稱太子發言奉先君東伐不敢自專
師行伯夷叔齊叩馬諫曰父死不葬爰及干戈可謂孝
乎以臣弑君可謂仁乎左右欲兵之太公曰此義人也
扶而去之

呂氏春秋曰伯夷叔齊如周至岐陽則文王
已歿武王即位使叔旦就膠鬲于次四內盟

曰加富三等就官一列又使召公就微子啟于共頭之下盟曰世為長侯守殷祭祀相奉桑林宜私孟諸皆為三書同辭血之以牲埋其一以一歸伯夷叔齊聞之相視而笑曰謔異哉非吾所謂道也昔神農氏時祀盡敬而不祈福其于人也忠信肅治而無求不以人之壞自成不以人之卑自高今周見殷之僻亂而遽為之正與治上謀而行貨阻兵而保威割牲而盟以為信楊夢以說衆殺伐以要利以此紹殷是以亂易暴也今天下闇周德衰與其並乎周以漫吾身不若避之以累吾行二子北行至首陽之山而餓馬

師尚父左杖

黃鉞右把白旄誓衆渡河至孟津叛殷從周不期而會

者八百諸侯皆曰紂可伐矣發曰汝未知天命乃還歸

紂淫亂昏虐滋甚微子數諫度紂終不從欲死之及

去未能自決問於太師疵少師強對曰國治身死不恨
為死終不得治不如去箕子諫不聽人曰可以去矣箕
子曰知不用而言愚也殺身以彰君之惡不忠也為人
臣而自說于民吾不忍為也乃被髮佯狂為奴隱而鼓
琴以自悲故傳之曰箕子操紂囚之王子比干見箕子
為奴史記曰比干紂之親戚宋語曰紂之諸父曰為大臣者主暴不諫非忠
也畏死而不以死爭則百姓何辜非勇也見過即諫不
用即死忠之至也諫三日不去紂怒曰吾聞聖人心有

七竅乃殺比干剖視其心剖比干妻以視其胎微子曰
父子有骨肉而臣主以義屬父有過子三諫不聽則隨
而號之人臣三諫不聽義可以去矣太師少師抱持其
祭樂器奔周周發問太公曰仁賢已亡殷可伐乎太公
曰先謀後事者昌先事後謀者亡夏條可結冬冰可折
難得而易失也紂在位以來夷羊在牧棹化為松大旱
有燕口爪俱句天雨肉雨土于亳河竭宮中鬼夜哭女
子化為丈夫山崩山鳴兩日見天火燒宮大水大龜生

毛兔生角紂嘗六月獵於西土發民逐獸諫者曰長育之時不可逆天道絕地德而行人賊君踐一日之苗而民失百日之食紂殺之後數月天大暴風飄牛馬發屋折木飛揚數十里有雀生鷦占曰以小生大國家王而名昌紂介雀之德不修國政亢暴無極外寇乃至朝臣莫救周發見暍人陰之于機下左擁而右扇之天下懷其德內史尚擊載其圖法出亡之周周發告諸侯曰商王大亂沈于酒德避遠箕子爰近姑息與妲己為政賞

罰無方不用法式殺三不辜民大不服守法之臣出奔

周明年

周三伯之十三年即武王元年巳卯

周武王伐滅紂


在位三十三年謚法殘義

損善曰紂三統歷曰殷六百二十九年左氏曰載祀六百鼎遷于周殷歷曰起丙戌終甲申四百五十八年汲

冢紀年曰二十九年王四百九十六年

湯之後分封以國為姓有殷氏來氏

宋氏空桐氏稚氏北殷氏目夷氏



資治通鑑外紀卷二